



Ulloq 03.12.2025

Inatsisartut Suleriaasianni § 37 imm. 1 naapertorlugu Naalakkersuisunut apeqquq imaattoq matumuuna saqqummiuppara.

Naalakkersuisunut apeqquq:

1. Kuannersuarni aatsitassarsiorniarlutik misissuisuinissamik akuersissuteqartut Energy Transition Minerals (ETM) misissuinissamik akuersissutip sivitsornissaannut qinnuteqaqqippat, taakkununga tunngatillugu Naalakkersuisut innuttaasut isumaat tusaasallugu qanoq pingaartitsigaat?
 - A) Misissuiuarneq ukiuni qulikkaanni ingerlareersoq sulivitsorniarneqarpa?
 - B) Misissuinissamik akuersisoqassappat inatsit suna tunngavigineqassava?
2. Innuttaasut ukiorpassuarni Kuannersuarni aatsitassarsiorniarnermut akkerliullutik nalunaaruteqartarneri amerlappat, taakku isumaat naalakkersuisunit qanoq tusarniarneqarpap?
3. Kuannersuarni aatsitassarsiorniarneq Narsap eqqaanilu najugaqartut inuussutissarsiutitigut illoqarfittullu ineriartortitsinissaraluanut ukiorpassuarni akornusiivoq, Naalakkersuisut tamatumunga qanoq isumaqarpap?
 - A) Innuttaasut ineriartortitserusuttut pingaaruneruppat imal. Aatsitassarsiorniarlutik misissuiuartut ukiut qulikkaanni pingaarneruppat?
 - B) Naalakkersuisoqarfiit tusarniaanernut aamma akissutissanik piniafigineqartarpap, taakku isumaat innuttaasut isumaaniit pingaartinneqarnerusarpap?
4. Inatsisitigut innuttaasut qanoq aatsitassarsiorniarnermut akkerliutillutik illersugaappap?
5. Innuttaasut nunap inooqqaajusutut pisinnaatitaaffigut aallaavigalugit illersorneqarlutalu, innarligaannginnissamat qulakkeerinnittoqartussaavoq, Naalakkersuisut piumassuseqarpap ILO-mi isumaqatigiissut nr: 169 malillugu ART.6 imm.1B aamma ART.6 imm.1C aamma ART.7 imm.1 aamma ART.7 imm.3 minnerunngitsumillu ART.7 imm.4

malissallugit?

- A) Paragraf 37-ikkut apeqquteqaammi nr: 48/2023 -imi Naalakkersuisut akissuteqaatimi ilaanni ima isumaqarput, "ILO-mi isumaqatigiissutip 169-p paasinissaanut atuutilerninissaanullu tunngatillugu eqqarsaatigisassatut Naalakkersuisut aallaavittut isumaat unaavoq:ILO 169-i Naalagaaffiit nunallu inuiisa ataqatigiinnerannut tunngasuusoq." Naalakkersuisut isuma tamanna sulii attappaat? Naalakkersuisut paragraf 48/2023-imi akissuteqaataat kalaallisuuani qallunaatuuanilu oqaatsit assigiinngitsut atorneqarpoq kalaallisuuani "atuutilersinneqarnissaannut" qallunaatuuanilu "fortolkning"atorneqarluni, taamaammat kalaallisut oqaatsigut pisortatigoortumik atuutinneqarneri aallaavigalugu naatsorsuutigaara akissut kalaallisoortoq eqqortuusoq?**
- B) Taamaasimappallu kiisami piumassuseqarlutik pisinnaatitaaffigut nunami naalagaaffimmit allameersunut tunngatillugu atuuttut?**

(Inatsisartunut ilaasortaq Mariane Paviassen Jensen, Inuit Ataqatigiit)

Tunngavilersuut:

Qallunaat naalagaaffiata aatsitassarsiorniarnermut tunngasuni akisussaaftimmik tigummigallarmatali Kuannersuarni aatsitassarsiorniarni siunertaqartumik misissuinissamik akuersissummik tunniussisoqartalerpoq, maannakkullu ukiuni ikinnepaamik 18-ni misissuinerit ingerlatinneqartuarsinnarput. Kuannersuillu aatsitassaqaassusaa piumasunit tamanit ilisimaneqalereernikuulluni allanngorunnarnaviarnanilu. Aatsitassat Kuannersuarni piusut urani kisimi pinnagu innut uummassuilinnut tamanut ulorianaatillit, ilisimaneqalereernikuupput, qaartitserillutik assaalerunik mingummik salinneqarsinnaangitsumik nassataqartussat. Innuttaasut Narsami eqqaanilu najugallit savaatillit ineriartortitserusukkaluarlutik kuannersuarni aatsitassarsiorniarni misissuinerit akornutigaat, naluaammi aatsitassarsiornik qanoq ingerlariaqqinnissamut periarfissinneqassanersoq, amerlasuullu kuannersuarni aatsitassarsiorniarni misissuisut, pilersaaruteqartullu piivillugit peernissaat utaqqivaat. Namminnermi ineriartortikkusutatik ukiuni 100-ilikkaanni kinguaariit nikittarnerinik kinguneqartunik suliaqarusupput nunatsinnut pilersueqataallutik siuarsaarusukkaluanik, taakkuli akornutaat ataaseq tassaavoq Kuannersuarni aatsiassarsiorniat. Ukiuni amerlavallaanni innuttaasut aporfilerneqaannaratik aammali ernumatinneqarlutillu aarleritinneqarnerat unitsinneqartariaqarpoq, Naalakkersuisuniillu tamanna ersarissumik paasisimaneqarnerisooq paaserusunnaarpoq, misissueqqinnissamimmi qinnuteqaataat tamatumuunna innuttaasut tusarneqarnissaat pisariaqalivinnikummat. ILO-mi isumaqatigiissut nunap inoqaavisa pisinnaatitaaffiat nr: 169 nunanit allanit pineqarnitsigut atuusimanissaa naatsorsuutigaara, taamaammaat innuttaasut siusissukkut paasissutissinneqarnissamut isumaallu tusarluarneqarnissaat aalijangiisoqannginnerani pisariaqarpoq.

Kissaatigaara apeqqutit ullut qulit qaangiutsinnagit akineqarnissaat.